







OCT 31 1999

太陽寒水司天加羌活桂枝餘歲非時變寒亦  
加冬亦加。陽明燥金司天宜加白芷升麻餘  
歲非時變涼濕亦加。秋亦加。少陽相火司天  
加黃芩地黃餘歲非時變雨濕亦加。夏亦加。  
太陰濕土司天。加白朮藁本餘歲非時變熱  
濕亦加。夏末秋初亦加。少陰君火司天。加  
細辛獨活餘歲非時變熱亦加。春末夏初亦加。  
厥陰風木司天。加川芎防風餘歲非時變溫  
和亦加。春亦加。

已上神木湯六氣加減法非止為司天之氣設也至于歲之主氣與月建日時同前應見者皆當隨所見依例加減之按海藏此論與戴人云病不如是當年氣看與何年運氣同便向此中求妙法方知皆在至真中之歌相表裏實發前人之未發也蓋海藏此論所謂某氣司天加某藥者治常氣之法也所謂隨所應見加減者治變氣之法也戴人所謂看與何年同氣求治法者亦治變氣之法也能將二公之法擴充行之則內經運氣之本義燦然矣夫內經論運氣有常氣有變氣常氣者有定紀如某年屬某氣司天當寒其年屬某氣司天當熱是也變氣者無定紀如某年屬某氣司天當寒反變熱當熱反寒是也王氏註文釋以經無定紀之變氣作有定紀之常氣使後學皆以年歲占運氣而其應者十無一二是以人莫之信而其道湮晦久矣二公生於數千百年之後復啓其端而續之功亦巨矣

火熱門火之與熱微甚之間而已各標門

明火篇五運六化篇曰君火之化熱主春末

頁初行暄淑之令而不行炎暑應君

生生子曰諸書言火不一於雜症中言者徃々至

言火雜症而兼令氣者雖間有之而未暢也愚

謂天有六氣火居其二地有五行火居其一

人之五臟德合五行火之有二君相是已火之在

易為離者內陰外陽主乎動者也動則生故

曰天不能遠火以生物人不能遠火以有生過

動則變而反消燦於物也在禦之何如爾按內  
經氣交變大論篇云南方生熱熱生火其令熱  
其變消燦其災燔炳又運氣五行生死順逆篇  
曰火主於南應夏火之為言化也言能化生萬  
物也顧其為疾不獨待於君相凡五志之火皆  
致青也岐伯歷舉病机一十九條而屬火者五  
此先聖論火者大氏也後之言火者無論其他  
且以丹溪之特識乃分君火為人火相火為天  
火而後之人翕然頌之愚竊以為未然也夫火

有天人不可以君相而分屬天人何也六之  
氣以君火為二之氣經以熱稱之以相火為三  
之氣經以暑稱之是君相皆可以火稱也惟人  
之攝養失宜則五臟之火隨觸而見觸之於心  
之經心之絡心之臟皆君火也固可以人火稱  
之若觸之於包絡觸之於三焦此相火也亦可  
以人火稱也而獨以天火稱之何哉又曰見於  
天者出於龍雷則木之氣出於海則水之氣雖  
其取譬無非欲狀相火之烈然但可以論五臟

厥陽之火而非君相令氣有定位有倫序者言也彼造化之所以生：無窮者以其有不易之定躰為之主然後四時行而萬物生蓋天人之理一致若外內君相之火亦必先有定位而後可以言變化惟善攝生者其五行五志之火有以默裨其生之功故人莫得而見其端及其過極則酷烈之勢始見書謂寂然不動感而遂通是已愚故曰治火熱之症必先察夫令氣之流行而參治之可也雖非火令司天之年然一

歲中既有此君相二節之氣治病者安得舍令氣而不加察之乎諸書又妄以命門為相火而主方即以滋陰降火湯為專劑以故今之治虛怯者未數月而多至殞促固司命者陰柄其權或亦治火之源未徹而妄投藥劑有以致之乎吾初汪子良醫學質疑有外內君相篇言之頗悉言外者有曰火邪自天氣血感之而為病也得非令氣之天火歟言內者有曰乃人之調養失宜正氣自傷而為病也得非所觸五志之人



火者歟外內之因不同補瀉之治自別以外君  
相言之則有令氣之序以內君相言之則少陰  
少陽厥陰自明五志之火自見也况內外証治  
甚諛瑩然可法似補前人所未臻雖其所約諸  
方未必能一一中其肯綮推其意極欲正其外  
內君相之名表其虛、實、之治為後人作梯  
階工之與綴不遑計也而亦不以君相分天人  
也愚故錄之於左以俟明哲採焉

外內君相篇

祈邑汪子良著

連篇厚牒  
餘說未見  
確妄論治  
亦不免夾雜

夫火者明曜燔灼者也其性升燥其氣鬱蒸其色  
為赤其聲為鳴其味為苦其始為溫其變為寒  
其為害也十二經絡臟腑無所不至諸書以心  
黃連瀉之右腎命門為相火以黃柏隨其所寓  
制之以君相二火限於心腎非也而名之君火相火之說始於運氣諸篇而近世  
諸書繼之曰實火虛火人火龍火腎肝陰火五  
志之火之類其意雖各有所指而天人外內之  
未瑩則亦猶有惑也夫外者火邪自天氣血感  
之而為病也內者人之調養失宜正氣自傷而

為病也。外內之因不同，補瀉之治自別。以外君相言之，經有六節之序，始於風木，終於寒水。自春分至小滿為二氣，君火其令，熱自小滿至大暑為三氣，相火其令，暑。夫風火暑濕寒燥之六氣，迭相盛衰以應六之節。而君相當其二焉。君相云者，乃熱暑微甚之分耳。應則為平，變則為病。當其時則微，非其時則甚。如非時而有大病，如君火之化，熱感之則手少陰心、太陽小腸、臟腑主之。相火之化，暑人感之則手厥陰膻中。

少陽三焦臟腑主之。夫君少陰也，而心又主血，血屬陰為病主，靜相火少陽也，而膻中又主氣，氣屬陽為病主動。故凡靜者皆君火之症也。如痛痒癢瘍癰疽瘤氣結核，紅腫鼻塞，欬嘔吐酸，發熱血溢，血泄笑悲，譫妄惡寒，戰慄身熱，轉筋腹脹，有聲小便渾濁，淋秘暴注下迫。舊有霍亂吐下太陰之症，今之類皆君火使之然也。凡動者皆相火之症也。如瞽癩暴瘖，冒昧躁攘，狂越詈罵，發駭嘔涌溢，食氣逆上，衝諸禁鼓慄如喪神，守喉痺。

耳鳴耳聾暴注憊瘵癰腫疼酸暴病暴死之類皆相火使之然也夫君相之火俱主於熱宜用寒涼正治但熱微甚之不同耳其在表者發之在裏者瀉之利之下之半表半裏者和之如柴胡黃芩瀉肝胆之火黃連瀉心火木通瀉小腸火芍藥瀉脾火石膏瀉胃火黃芩瀉肺火與大腸火知母瀉腎火黃柏瀉膀胱火此外君相之症治者也內之君相者正氣自傷為病有似火邪所發而實非也如諸書所謂實火可瀉虛火可補之類夫實者正氣之有餘也虛者正氣之不足也蓋人之氣生發於胃聚於膻中膻中者乃心前空虛之位名曰氣海又曰宗氣其氣之餘由肺運於一身通調水道下輸膀胱水精四布五經並行以為生、不息之運用若夫起居動靜調養失宜過於勞倦房事醉飽耽食肥甘辛辣厚味之屬以致經絡臟腑因之受傷則夫膻中之氣隨其所寓鬱滯而為病氣之有餘則為實火氣之不足則為虛火故曰君火者猶人

火也可以水滅可以正治惟黃連之苦瀉之相  
火者猶龍火也不以水滅不以正治順其性而  
折之惟黃柏之辛制之又曰實火可瀉黃連解  
毒之屬虛火可補參朮生甘草之屬兼瀉兼緩  
故內之君火者實火也猶人火也宜用寒涼之  
味瀉之如肝臟素熱復加酒熱上行而為目赤  
腫痛者治用柴胡黃芩龍胆草之屬又有肝經  
素有濕熱又復感淫穢以致肝經熱鬱而為下  
疳者治用龍胆瀉肝湯之屬或為便毒者治用

大消毒散之屬或為疔瘡者治用防風通聖  
散之屬又有膽痺因於謀慮不決故胆虛氣上  
溢而為口苦者治以胆募俞又如小兒因聞異  
聲內激胆熱而為驚搐者治用瀉青丸之屬又  
如過食膏粱之味熱積於心而為癰疽者治用  
黃連解毒湯之屬經曰膏粱之爰足生大疔足  
也又醉以入房或臨房忍精以致小腸膀胱熱  
鬱不散而為淋濁者治用黃柏知母木通梔子  
之屬又如因勞動熱起於脾而為痰涎帶血

者治用黃連為藥之屬又如過食肥甘而為消中或為中滿等症治用三補丸之屬經曰肥者令人內熱甘者令人中滿又曰消中熱中皆富貴人也又如醉以入房酒熱鬱於脾胃而為熱厥者治宜解酒散熱間服滋陰之劑岐伯言熱厥者此人必醉飽以入房酒聚於脾胃不得散酒氣與谷氣相薄熱盛於中云腎氣日衰陽氣獨盛故手足為之熱也又有因於飽食熱積大腸而為痔漏下血者治用黃連枳殼之屬經

曰因於飽食筋脉橫解腸癰為痔又如食滯腸胃鬱熱不散而為下痢赤白者治用大承氣湯之屬經曰通因通用者此也又如色慾不遂腎熱內熾而為遺精者治用珍珠丸加椿根皮之屬內之君火之大意蓋如是內之相火者虛火也猶龍火也宜分氣血而用甘溫之味補之有因火視傷血以致肝熱上騰而為目赤腫痛者治用四物湯加黃連黃芩柴胡之屬又有肝血內虛而為發熱者治用四物湯加黃柏知母之

屬又有胆腑虛熱而為不寐者治用酸棗仁竹  
葉之屬又有少陽胆經血枯不足以配陽氣則  
氣鬱為熱而為癩癰者治用四物湯生地紫胡  
黃芩連翹玄參夏枯草之屬或為耳鳴者治用  
清氣化痰丸之屬又有勞心過度以致神不守  
舍而為驚悸不寐等症治用八物湯加酸棗仁  
遠志間服硃砂安神丸之屬又有因於失志心  
神受傷而為癩風者治用四物湯間服硃砂安  
神丸之屬又有抑鬱傷心而為癰疽不起者治

用人參黃芪白朮附子之屬又有內傷心之元  
陽而為惡寒者治用人參附子赤石脂之屬王  
太僕云益火之原以消陰翳之類是也又有小  
腸膀胱氣虛不能運化小便而為淋秘者治用  
參芪朮茯苓通之屬經曰膀胱者州都之官津  
液藏焉氣化則能出矣又有勞倦傷脾而為大  
熱氣喘虛煩者治用補中益氣湯之屬經曰有  
所勞倦形氣衰少穀氣不盛上焦不行下脘不  
通胃氣熱熱氣薰胃中故內熱又有勞倦傷脾

症現頭痛發熱悞食寒涼之藥過多而增譫語  
鄭声脉数不鼓者治用參芪白朮當歸附子乾  
姜之屬又有勞傷脾胃陽氣不能上榮而為頭  
痛耳鳴鼻塞口淡等症治用補中益氣湯加蔓  
荊子之屬經曰頭痛耳鳴九竅不利腸胃之所  
生也又有飲食失節與夫素齋內傷脾胃而脉  
虛身熱咳嗽腹脹泄瀉等症補中益氣加減治  
之又有內傷胃腑胃氣大虛而為嘔吐者治用  
參芪白朮砂仁石菖蒲之屬或為消穀善飢者

治用參芪甘草之屬或為吐血者治用參朮附  
子之屬或為左齒痛者治用參芪白朮歸白芷升  
麻之屬或為腹脹者治用參芪白朮砂仁木香  
之屬經曰塞因塞用之類是已又有過慾腎虛  
火炎於肺而為喘嗽等症治用六味地黃丸加  
黃柏知母貝母麥冬五味之屬又有肺氣內虛  
不能運行而為喘嗽憤鬱等症治用參芪朮附  
麥冬五味款冬花之屬又有大腸氣虛不能傳  
送而為裡急後重或為虛秘等症治用補中益

氣湯之屬又有過慾傷腎陰火內熾而為耳鳴者治用清上實下之劑或為口鼻血溢者治用四物湯加茺根大小薊阿膠之屬或為骨蒸者治用當歸生地黃胡黃連知母地骨皮之屬或為熱從臍下起者或為熱從足上起者治用四物加黃栢知母間服六味地黃丸之屬或為午後發熱者治用當歸地黃枸杞龜板之屬王太僕云壯水之主以制陽光之類是已內之相火之大意蓋如是此外猶有五志之火亦屬正氣

自傷但因五志所發之不同耳經曰人有五志以生喜怒悲思恐若夫五志過度則火發於中而為病耳怒則氣上喜則氣緩悲則氣消思則氣結恐則氣下之類夫五志過傷非藥可治乃以所勝治之悲勝怒喜勝悲恐勝喜怒勝思思勝恐之類是已夫悲可以勝怒以悽惻苦楚之言感之喜可以勝悲以浪譁褻狎之言娛之恐可以勝喜以迫遽死亡之言怖之怒可以勝思以汗辱欺罔之言觸之思可以勝恐以慮彼亡



此之言奪之。類是也。夫五志所傷未甚正氣未虛或可以藥治者有之。如青皮以瀉怒氣之逆。參芪以補悲氣之消。香附以開思氣之結。升柴以舉恐氣之降。惟夫喜則氣和志達。雖病亦微不治可也。此五志之症治者也。又有內外兩傷之火。正氣自傷。復加火邪外傷。而為倦怠少氣。自汗身熱。失於視聽。脉虛等症。治用清暑益氣湯之屬。經曰：陽氣者，煩勞則張，精絕，辟積於夏，使人煎厥。目盲不可以視，耳聾不可以聽之。

類是也。又如元氣素虛，遇夏外熱傷氣而為倦怠無力，頭疼口淡等症，俗謂之注夏。治用參芪白朮、麥冬、五味、黃芩之類。又如足之太陽經氣不足，感受暑氣而為惡寒發熱，身重疼痛，手足逆冷，小便已洒然，毛聳，小有勞身即熱，口開前板齒燥，脉弦細，乾遲，仲景所謂中暈是也。治用白虎加人參湯之類。又有勞倦復感暑氣而為身熱神昏，溺澀等症，治用辰砂五苓散之類。又如胃氣內虛，因感暑氣而為頭疼身熱，泄瀉，脉

洪而實者治用柴苓散之類又如遠行勞倦逢  
大熱而渴渴則熱舍於腎而為足不任身骨痠  
者治用人參黃芪之類經曰骨痠者生於大熱  
也又如腎虛陰火上炎而為勞熱咳嗽等症復  
感夏暑傷之其氣益甚治用滋陰降火之劑經  
曰春夏劇秋冬瘥之類是也又如內有痰火外  
感暑氣鼓激痰飲塞碍心竅而為卒倒手足不  
知動躡者俗謂之暑風是也二陳湯加黃連香  
薷主之又如冬月過於房勞精氣內竭至春則

無發生之氣而為瘟疫者治宜補中加以辛涼  
解表之劑經曰冬不藏精春必病瘟又如冬月  
傷寒寒邪未發至春復感熱氣而為大熱頭疼  
口渴心躁脉浮緊者防風通聖散主之經曰冬  
傷於寒春必病瘟此皆內外兩傷症治並行而  
不悖焉者是知君相二火以外言之有春熱  
夏暑陽動陰靜之分也以內言之有實瀉虛補  
五志勝治藥治之分也以外內兩傷言之有表  
裏邪正補瀉兼施之分也是故外內君相醫之

廣用者也其為道甚大其為說甚雜其為病甚多其為變也甚速其為御也甚難非一方一法所可盡也能明乎此醫之為道思過半矣

病機篇

內經曰諸病喘嘔吐酸暴注下迫轉筋小便渾濁腹脹大鼓之如鼓癰疽瘍疹瘤氣結核霍亂瞽悶鬱腫鼻塞衄血溢血泄淋閉身熱惡寒戰慄驚惑悲笑譫妄衄血衄血汚此皆少陰君火之熱乃心小腸之氣所為也又曰諸熱務瘳暴瘳

冒昧躁擾狂越罵詈驚駭附腫酸痛氣逆衝止禁慄如喪神守嘔嘔瘡瘍喉痺耳鳴及聾嘔飲溢食不下目迷不明暴注暈瘳暴病暴死此皆少陽相火心包絡三焦之氣所為也

內經曰夫熱病者皆傷寒之類也陽勝則熱陰虛則內熱陽勝則外熱內外皆熱則喘而渴故欲飲冷也

陽勝則身熱腠理閉喘粗為之俛仰汗不出而熱齒乾以煩寃腹滿死能冬不能夏

有四肢熱逢風寒如炙於火者是人陰虛陽氣盛也人身非常熱也為之熱而煩滿者陰氣少而陽氣勝故熱而煩滿也

大熱病氣熱脈滿是謂重實尺寸脈俱虛是謂虛粗大者陰不足陽有餘為熱中也

脈經曰弦數多熱數為熱極脈數為虛為熱寸脈浮大而數者名曰陽中之陽病苦煩滿自頭疼腹中熱寸口脈實熱在脾肺數為吐為泄在胃口關脈滑數胃中有客熱緩而滑為熱中

尺脈實為身熱心痛數為臍下熱痛

又曰熱病脈小或細喘逆不得大小便腹大而脈汗出而厥逆泄注脈大小不調皆難治熱病得汗而脈仍躁盛此陽脈之極也死熱病不汗而脈躁盛者此陽脈之極也死脈浮而濇而身有熱者死熱病脈躁盛得汗而脈靜者論熱在血氣之分

東垣曰晝則發熱夜則安靜是陽氣自旺於陽分也宜柴胡飲子晝則安靜夜則發熱煩躁是陽

氣下陷入陰中也宜四順飲子名曰熱入血室  
晝發熱煩躁夜亦發熱煩躁是重陽無陰也當  
急瀉其陽峻補其陰

論五臟有邪身熱各異

以手捫摸有三法輕手捫之則熱重手捫之則  
不熱是熱在皮毛血脉也重按之筋骨之分則  
熱蒸手極甚輕手則不熱是邪在筋骨之間也  
輕手捫之不熱重力按之亦不熱不輕不重按  
之而熱是在筋骨之上皮毛血脉之下  
乃熱在肌肉也

肺熱者輕手乃得微按全無日西熱甚乃皮毛之  
熱其証必見喘咳寒熱輕者瀉白散重者涼膈  
散地骨皮散

心熱者微按至皮膚之下肌肉之上輕手乃得  
按至皮毛之下則熱少加力按之則全不熱是  
熱在血脉也其証心煩心痛掌中熱而噦以真  
連瀉心湯導赤散硃砂安神丸

脾熱者輕手捫之不熱重按之筋骨又不熱不輕  
不重在輕手重手之間熱在肌肉遇夜尤甚其

証必急惰嗜卧四肢不收無氣以動瀉黃散  
 肝熱者重按之肌肉之下至骨之上乃肝之熱實  
 外間尤甚其脉弦四肢滿悶便難轉筋多恣多  
 驚四肢困熱筋病不能起於床瀉青丸柴月子  
 腎熱者輕手重手俱不熱極重力按至骨分熱  
 蒸手如火其人骨蒸如虫蝕其骨因熱不任  
 亦不能起於床滋腎丸主之

面熱者足陽明 口中熱如膠足少陰 口熱  
 舌乾足少陰 耳熱熱若寒手太陽 掌中熱

手厥陰少陰太陰 足下熱而痛足少陰 是  
 外熱足少陽 身熱膚痛手少陰 身前熱足  
 陽明 洒淅寒熱手太陰 肩上熱肩似拔  
 太陽 中熱而喘足少陰 肩背熱及足小  
 外腫脛踝後皆熱足太陽 一身盡熱狂而妄  
 聞妄見妄言足陽明 熱而筋縱緩不收陰痿  
 足陽明

論表裏熱

病機機要云有表而熱者謂之表熱無表而熱者

謂之裡熱有暴熱而為熱者乃久不宣通而致  
也有服溫藥而為熱者有惡寒戰慄熱者治法  
小熱之氣涼以和之大熱之氣寒以取之甚熱  
之氣以汗發之發之不盡則逆制之制不盡求  
其屬以衰之苦者治臟屬陰而居內辛者治  
腑腑屬陽而在外故內者下之外者發之又宜  
養血益陰其熱自愈

內經曰陰虛生內熱者因有所勞倦形氣衰少發  
氣不盛上焦不行下脘不通胃氣熱熱氣薰胸

中故內熱陽盛則外熱者因上焦不通利則皮  
膚緻密腠理閉塞玄府不通衛氣不得泄故外熱  
東垣曰發熱惡寒大渴不止煩躁肌熱不欲近衣  
其脈洪大按之無力者或無目痛鼻乾者非白  
虎湯證也此血虛發躁當歸補血湯主之  
又曰仲景論內外不足發熱自汗之症大禁發汗  
若飲食勞倦雜病發熱自汗表虛之症認作有  
餘便用麻黃發之汗大出則表益虛也  
內經曰人數醉若飽以入房氣聚於脾中不得散

酒氣與穀氣相薄熱盛於中遍於身內熱而弱  
飲食不節起居不時者陰受之入六腑則身熱不  
得卧上為喘呼

王好古曰一身盡熱先太陽也從外而之內者先  
無形也為外傷手足不和兩脇俱熱如火先少  
陽也從內而之外者先有形也為內傷

要畧曰發熱身疼而身如薰橘者濕也 一身盡  
痛發熱日晡轉劇者名風濕 汗出而身熱者  
風也 身熱脉絃數戰慄而不惡寒者瘧瘧也

發熱惡寒脉浮數者溫病也 身熱頭疼胸

汗多眠陽脉浮滑陰脉濡弱者風濕也 中

有痰令人增寒發熱自汗惡風寸口脉浮胸

滿有類傷寒但頭不痛項不强為異耳 虛

與傷寒相似身熱脉不浮緊不惡寒但熱而煩

惟頭不痛 四肢熱者火乘脾土脾主四肢故

熱也 手心熱者心與包絡火盛也 身體沉

重走注疼痛乃濕熱相搏風熱鬱而不得伸也

東垣云四肢發熱者或口乾舌乾咽乾蓋心生火



小腸主熱火熱來乘主位乃濕熱相合故煩  
王太僕曰熱來復去晝見夜伏夜發晝見時節而  
動是無火也

論雜病發熱惡寒與傷寒不同

許學士曰仲景云假令寸口脈微名曰陽不足陰  
氣上入陽中則洒淅惡寒也尺脈弱名曰陰不  
足陽氣下陷入陰中則發熱也此謂元受病而  
然也又云陽微則惡寒陰弱則發熱此醫發其  
汗使陽氣微又大下之令陰氣弱此謂醫所病

而然也大抵陰不足陽往從之故陽內陷則發  
熱陽不足陰往乘之故陰上入陽中則惡寒  
陽不歸其分故寒熱交爭是以發熱而惡寒之  
原病式曰身熱惡寒熱在表也邪熱在表而淺知  
畏其正故病熱而反惡寒也或言身寒為寒在  
表或言身熱惡寒為熱在皮膚寒在筋骨者皆  
悞也仲景法曰無陽病寒不可發汗言身熱  
惡寒麻黃湯汗之汗泄熱去身寒然則豈  
有寒者歟大法煩躁多渴欲飲之熱為病熱也

亦有亢則害承乃制之則病者也雖覺其冷而病為熱實甚而反惡寒得寒轉甚而得腠理踈通而陽氣得散怫熱寒則腠理固密陽氣怫鬱而熱上下中外周身皆然俗因之妄藥投之為害多矣

劉宗厚曰按此數論並言雜病陰陽相甚及火熱甚反兼水化為病亢則害承乃制之也

所引傷寒身熱寒熱與仲景及明理論義不相合詳趙嗣真明理論云往來寒熱者邪也邪氣之入也正氣不與之爭則但熱無寒若邪正分爭於是寒熱作矣蓋以寒外而陰熱邪為陽裡分為陰表分為陽邪之客於也為寒邪與陽爭則為寒矣邪之入於裡與陰爭則為熱矣若邪在半表半裡陽爭而為寒內與陰爭而為熱表裡外之無定由是寒熱且往且來日有三於三五

甚者則數發也若以陰陽相勝陽不勝則先寒  
 後熱陰不足則先熱後寒此特論雜論云云力二  
 氣自相乘勝然也非可以語傷寒斯論云云正精  
 切深合仲景之意蓋不惟釋疑於活人而已  
 又按河間言惡寒為寒在表或身熱惡寒  
 皮膚寒在骨髓皆悞也而活人書亦以此為  
 裡言之故趙氏曰詳分皮膚骨髓而不曰表裡  
 者蓋以皮脉肉筋骨五者素問以為五臟之合  
 主於外而充於身者也惟曰臟曰腑方可言裡

可見皮膚即骨髓之上外部浮淺之分骨髓則  
 皮膚之下外部深沉之分與經絡屬表臟腑屬  
 裡之例不同况仲景出此症於太陽篇首其為  
 表证明矣是知虛弱素寒之人感邪發熱熱  
 浮淺不勝沉寒故外怯而欲得近衣此  
 在皮膚寒在骨髓用辛溫至於壯盛素熱之人  
 或酒客葷感邪之初寒未變熱陰陽開於熱  
 陰凝於外熱鬱於內故內煩而不欲得近衣所  
 謂寒在皮膚熱在骨髓用辛涼必  
 發之餘

表解正和此仲景不言之妙若以骨為表骨  
 髓為裡則麻黃湯証骨節疼痛其言骨為有表  
 復有裡之症耶然仲景傷寒一書八經為方  
 家之祖而未解作秦漢文字看故於六經大法  
 之意反有疑似而後世賴其餘澤言裡、類輯  
 傷寒方論其間失其本義及穿鑿者亦復有之矧  
 以雜病為論但引其例乎茲趙氏釋疑可謂得  
 其旨趣且黃帝針經有論皮寒熱肌寒熱骨寒  
 熱等例如如此則仲景所論分邪在皮膚骨髓

殊雖欲以盡証例之變蓋自有所本云  
 惡寒非寒惡熱非熱論

丹溪曰經云惡寒戰慄者皆屬於熱又云禁慄如  
 喪神守皆屬於火惡寒者雖當暑月若遇風霜  
 重綿在身自覺凜冽戰慄禁慄動之貌如喪  
 神守惡寒之甚原病式曰病熱甚則反覺其寒  
 此為病熱實非寒也或曰往、見、得熱藥而  
 少愈者何也予曰病熱之人其言、上、時為寒  
 飲抑遏清道陰氣不升病熱尤甚、下、時熱亦

為暫退熱勢助邪其病益深或曰  
敢以寒涼與之非殺而何予曰古人遇此深之  
症有以大承氣湯下燥糞而愈者忘心不戰慄也  
是熱症但有虛實之分耳經曰陰虛則發熱夫  
陽在外為陰之衛陰在內為陽之守禁神外氣  
嗜欲無節陰氣耗散陽無所附遂致浮散於肌  
表之間而惡熱也實非有熱當作陰虛治之而  
用補養之法可也

白散 治肺熱

桑白皮

地骨皮

各乙

甘草

錢五

為末水調服

清金丸

瀉肺火

黃芩

炒

為末水丸沸湯下

黃連瀉心湯

治心熱

黃連

炒

為末水調二三分量人大小與之

導赤散

治小腸實熱

生地

木通

甘草

各等分入竹葉煎服

調胃承氣湯

治脾熱胃熱

大黃

芒硝

各乙

甘草

錢五

水煎服

瀉黃散

藿香七錢 山梔一兩 石膏五錢 甘草三兩 防風四兩

右為末用蜜酒拌畧炒服

柴胡飲子 治肝熱

柴胡 人參 黃芩 甘草 大黃 川歸

芍藥 各等分每服七錢姜三片水煎服

抑青丸 瀉肝

黃連 姜汁炒為末粥丸沸湯下

左金丸 治肝火

黃連六兩 吳茱萸湯煮少時為末粥丸陳皮白朮湯吞下

瀉青丸

川歸 川芎 山梔 大黃 羌活 防風

龍胆草 為末蜜丸

本方去川芎羌活防風加黃連黃栢黃芩芍會

青黛各五錢 木香一錢 射香五分 名當歸龍會丸

滋腎丸 治腎熱

黃栢三錢 知母三錢 桂一錢 為末蜜丸

涼膈散 治積熱煩渴面熱唇焦咽燥舌腫吹閉

目赤鼻衄項結硬口舌生瘡謔妄燥澁便溺結

連翹四兩朴硝 大黃各二兩薄荷 黃芩 枝子

甘草各二兩為末每服三錢加竹葉五七片水煎

洗心散 治心肺積熱頭目昏疼肩背拘急肢節

煩痛唇焦咽腫痰壅唾粘溺澁便秘

白木半一兩麻黃 川歸 荆芥 芍藥 甘草

大黃各六兩每服二錢入生姜薄荷少許同煎服

三黃丸 通治三焦熱 去大黃加黃栢各三兩

黃連 黃芩 大黃各等分

為末煉蜜丸桐子大每服三十丸

四順清涼飲子 治一切丹毒積熱壅滯咽痛

川歸 甘草炙 赤芍 大黃 每服七錢水煎

黃連解毒湯 治大熱甚煩躁不得眠

黃連七錢半 黃栢 梔子各五錢 黃芩一兩

每服五錢水煎服 加防風連翹為大金花

丸治風熱 加柴胡治小兒潮熱 與四物

相合治婦人潮熱

當歸承氣湯 治熱發於上不利於下陽狂奔走

罵詈不避親疎

當歸 大黃各五錢 芒硝半四錢 甘草二錢

右分二帖 姜二片 棗二枚 水煎服

人參散 治身熱頭痛積熱在胸服此神妙

石膏 甘草各一兩 滑石四兩 寒水石三兩 人參五錢

為末每服一錢或二錢 溫水調下 早晚各

服 兼服金花丸妙

### 四製黃栢丸

黃栢去粗皮淨四斤 一斤以好酒浸  
一斤米泔水浸 一斤蜜糖水浸

右俱用磁器浸之三味俱要沒二指為度 日

浸七日 夏浸三日 春秋五日 瀝出晒乾 仍存餘

汁待後用 再將黃栢一斤切作五寸長 用真

油半斤以磁碗乘之 先將銅銚將水熬滾 再

酥油連碗入水 溶化將黃栢以微火一熱用棗

刷蘸酥徐一刷上且刷且炙 各使透二 心焦

黑炙畢放於冷地上 以磁碗覆之二日 去火毒

并前共為細末 以前存原汁和為丸 如汗不敷

再加蜜酒兌勻和之 丸如梧子大 每空心及臨



卧酒吞下五七十九丸徐以乾物壓之此藥滋腎  
降火化痰之聖藥也 若吐血遺精服半月即  
愈如相火周身疼痛減黃栢二斤加犀角一兩  
為末入前丸中

天門冬膏

以生天門冬不拘多少去皮心搗絞汁盛磁器  
內以鍋熬滾水入門冬連磁器于中煮至滴水  
成珠以磁罐收貯每服二三匙沸湯點服如無  
生者以乾者煮汁熬膏亦可 或以天門冬制

為末每服二三錢亦可

前胡散 治胃氣實熱唇口乾裂中心熱躁大便

秘結非時煩渴睡中口内生涎

大黃錢五桔梗 枳殼 前胡 杏仁錢二葛根錢二

右為末每服二錢入姜煎服

赤茯苓湯 治膀胱實熱腹脹小便不通口苦舌

乾咽腫不利

猪苓 葵子 枳實 瞿麥 木通 黃苓

滑石 甘萇 赤苓 車前子各等分

入姜水煎食前服

東垣瀉陰火升陽湯 治肌熱煩熱面赤食少喘

咳痰盛脉右關緩弱或弦或浮數

羌活 甘草炙 黃芪 蒼朮各一兩 升麻各一兩 柴胡

一兩 人參 黃芩各七錢 黃連酒炒五錢 石膏五錢 深勿

右每服一兩或五七錢水煎服

升麻散火湯 治男子婦人四肢發熱肌熱筋痛

熱骨髓中熱發困熱如燎捫之烙手此多血虛

而得之或胃虛過食冷物抑遏陽氣於脾

中火鬱則發之

升麻 葛根 羌活 獨活各五分 防風三分 白芍五分 生甘草二分 水煎稍熱

千金麥門冬湯 治諸疾後火熱乘肺咳 有血

胸脇脹滿上氣羸瘦五心煩熱渴而煩

麥冬 棗白皮 生地各一兩 半夏 紫菀

桔梗 淡竹葉 麻黃各一兩 五味錢五 甘草

每服七錢水煎服

拔萃方地骨皮散 治渾身壯熱脉長而滑

毒

火熾發渴

地骨皮 茯苓各錢 五柴胡 黃芩 生地

知母各一兩 石膏二兩 羌活 麻黃各七錢半若汗者減此二味

右每服一兩入姜煎服

麥門冬散 治丈夫婦人蘊積和熱心胸煩悶咽

乾口燥睡卧不安或大小腸不利口舌生瘡

芒硝一兩 麥冬三錢 小草 黃連 升麻 犀角屑

甘草炙 黃芩 枳壳 大青各五錢

每服三錢水煎服

真珠散 治男女五臟積熱毒氣上攻心胸煩悶

口乾舌燥精神恍惚悶亂坐卧不安

琥珀 真珠粉 天花粉 鐵粉 硃砂

甘草 牙硝 寒水石煨 大黃各等分

為極細末每一錢竹葉湯下

紫雪 治內外煩熱不解口中生瘡狂易叫走鮮

諸熱毒瘰癧百病

黃金百兩 寒水石 磁石 石膏 活石一研

已上用水一石煮至四斗去渣入下項

炙甘草八兩 羚羊角屑 犀角屑 青木香

沉香各五兩 丁香一兩 升麻 玄參並剉細

已上再煮至一斗五升入下項

硝石四斤 芒硝亦得每斤朴硝十斤

已上入前汁中微火煎柳枝不住手

七斤投放木盆中半日欲凝入下項

勻入硃砂三兩

當門子錢一兩二分 右藥成紫色霜雪每服二

或一錢冷水調下大人小兒消息虛實加減食

後服

千金黑奴丸 治火熱陽毒發班發狂煩燥

黃芩 斧底煤 芒硝 灶突墨 梁上塵

麻黃 小麦奴 大黃各一

右為末煉蜜為丸彈子大新汲水化服不定

再服半丸飲水盡足當發寒已汗出乃差

未汗再服半丸渴末甚者勿與之

大宮詹少溪吳馭閱校

卷

七



